

**Nioqutissanik eqqusuinermi akitsuutit pillugit Inatsisartut inatsisaata
allanngortinnera pillugu Inatsisartut inatsisissaattut siunnersuut**

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Saqqummiussissut**Siullermeerneqarnera**

Neqinik, savat savaaqqallu neqaat pinnagit, eqqusuinermi akitsuutit atorunnaarsinneqarnissaat ukiakkut ataatsimiinnermi kingullermi aalajangerneqarpoq. Tamanna oqaasertaliussaagallartukkut taamaallaat 2023-mut atuuttukkut siullermik pivoq. Taamaammatt akitsuutit allannguutaasa akuerineqarnera nioqutissanik eqqusuinermi akitsuutit pillugit inatsimmi ilanngunneqarnera Naalakkersuisut sinnerlugit saqqummiuppara, taamaalilluni akitsuutit atorunnaarsinnerat piujuartunngortinneqarpoq.

Tamatuma saniatigut kinguneranik allannguutit oqaasertanullu allannguutit ataasiakkaat siunnersuutigineqarput.

Siunnersuut tassungalu nassuiaatit innersuutigaakka.

Taamatut oqaaseqarlunga siunnersuut Inatsisartunut suliassanngortippara.